

中混元斲

玉韻琅琅絕鄭音輕清徧貫達人心我從一得鬼神輔入地上
天超古今

縱橫自在無拘束心不貪榮身不辱閑唱壺中白雪歌靜調世
外陽春曲

吾家此曲皆自然管無孔兮琴無絃得來驚覺浮生夢晝夜清
音滿洞天

吟六首

先天吟

空山靜夜微雲作淡月疎星寒氣錯忽見長庚耀太虛迴觀北

道藏輯要

礪溪集

三

又胃集三

斗潛寥廓乾坤舒慘卽時改宇宙紛紛何所託必有機關默動
搖憑虛反覆相酬酢大哉無極玄元道何者不蒙靈應藥點化
三光轉碧空滋榮萬物開花萼騰今跨古未嘗壞歷險衝艱殊
不弱浩浩洪流自激揚紛紛大化誰斟酌混元一氣首與變無
上至尊唯獨惡踏碎虛空出杳冥擘開混沌生揮霍陰陽升降
作門戶日月縱橫爲鎖鑰暑往寒來晝夜分時通運塞興衰各
既而上立乾坤鈕復乃下鳴師範鐸建德隨方料物宜因時設
教從人樂三皇五帝皆宗祖六道四生成唯諸至聖文才尙發
蒙猶龍道德何其博

度世吟